



ACTA SORUMUTU KONSELLU KONSULTIVU MUNISIPÁL VIQUEQUE

Konsellu Konsultivu Munisipal	Viqueque		
Data Sorumutu	12 Setembru 2025	Data konvokatória	2 Setembru 2025
Fatin Sorumutu	Salaun Laline Administrasaun Munisípiu Viqueque		
Horas hahú	08:30	Horas remata	15:30
Nú. Membru efetivu	59	Total Partisipantes	120 pessoas
Orden Traballu	Aprezentasaun Proposta Preliminariu Planu Dezenvolvimentu Munisipál Viqueque 2026-2030		

Períodu 'Antes Orden Traballu'	1. Rejistu partisipante	Interveniente	Agensia Planeamento
	2. Liafuan Benvindo		MC
	3. Konfirmasaun korum		Ex.mo. Prezidenti CCM
	4. Hananu Hino Nasional		Hosi membru CCM
	5. Um minutu Silensiu		Ex.mo. Prezidenti CCM
	6. Orasaun		Sr. Manuel Trindade
	7. Saudasaun no abertura sorumutu CCM husi Prezidenti Konsellu Konsultivu Munisipal		Ex.mo. Prezidenti CCM, Sr. Francisco Cruz Simões de Gonzaga Soares , Fo agradesimentu ba membru CCM no observador sira tamba bele aseita ona konvite hodi partisipa iha enkontru extra ordinariu CCM nian ne'ebe sei diskuti kona ba Planu Dezenvolvimentu Munisipal Viqueque ba periodu 2026-2030.
	8. Pausa Kafe Dader		Catering
	9. Leitura Guiaun CCM		Sekretariu CCM, Sr. Jose da Costa de Sousa

Períodu ‘ Orden traballu’	Asuntu	1. Apresenta materia propоста Prelimináriu Planu Dezenvolvimentu Munisipal Viqueque 2026-2030	Interveniente	Diretur Ajensia Planeamentu hanesan vise-koordinador ba ekipa elaborador PDM, Sr. Carlos de Araujo Zeronimo , Halo apresentasaun kona ba Planu Dezenvolvimentu Munisipal Viqueque 2026-2030 ho konteudu apresentasaun mak hanesan: Introdusaun Jeral PDM, Baze Legal, Vizaun, Misaun, Lema, Introdusaun ba Pilares Dezenvolvimentu Kapital Sosial, Dezenvolvimentu Infrastrutura, Dezenvolvimentu Ekonomia no Enkuadramentu Institusional inklui introdusaun ba Matrix husi pilares hat (4).
		Diskusaun – Sesaun dahuluk Fo pareser ba Proposta Planu hosi kada serbisu programatiku		1. Representante husi setor privadu, Sra. Anastacia da Costa Amaral Fó apresiasaun ba ekipa elaborador tamba bele halo ona esforsu no dedikasaun iha prosesu elabora Planu Dezenvolvimentu Munisipal ba tinan lima oin mai, ne’ebé importante tebes ba orientasaun estratéjika Munisipiu Viqueque. Iha kontestu ida-ne’e, husu atu ekipa presija halo klaru ba vizaun no misaun Munisipiu Viqueque nian, hodi bele identifika ho identidade lokal,

			kultura, no aspirasuan povu Viqueque nian. Sujere mós atu ekipa identifika lolos ba potensial setor turismo ne'ebé bele fó retornu ekonomiku ba Munisipiu Viqueque, liu-liu iha area turizmu komunitaria no agrikultura susténtavel, molok Munisipiu lao ba implementasaun desentralizasaun no poder lokal. Hanesan ema Viqueque ne'ebé iha komprimisiu atu hadia Munisipiu, Sra. Anastasia hakarak kontribui ba preparasaun livru dadus kona ba setor turizmu nian, hodi bele fó baze evidénsia ba planeamentu no promosaun ba nivel lokal. Husu mós atu ekipa elaborador konsidera separasaun klaru entre setor agrikultura no setor turizmu, tanba karakterístika sira differenti no labele hamutuk iha pilar ida deit. No rekomenda mos, durante enkontru, karik bele konsidera tuir orientasaun husi Guiaun KKM, hodi bele fó solusaun konkreta no evita diskusaun ne'ebé la fó rezultadu prátiiku. 2. Representante husi Partidu PLP, Sr. Jacinto Baptista, Fó agradesimentu no apresiasaun bo'ot ba ekipa elaborador tamba hahu husi faze ida ne'ebe dezafiante, ne'ebe permite ita bele koko atu hamrik lao mesak, no mesmo tempo fó esperansa ba continuidade prosesu planeamentu. Konsidera importante atu buka solusaun ba parte menus rekursu humanu ne'ebé identifika iha analisa SWOT, tanba aspéktu ne'e sei determina kapasidade implementasaun Munisipiu nian ba prioridade estratéjika Munisipiu Viqueque. Iha relasaun ho setor edukasaun, observa katak politika edukasaun la hamosu klaru iha panorama husi proposta PDM ne'e rasik, tanba seidauk iha integrasaun entre vizaun edukativu no realidade lokal. Nia	
--	--	--	--	--

				preokupa mos tamba iha parte joven sira ne'ebé halo migrasaun ba Dili laos ba kontinua estudu, maibe atu trata dokumentus ba rai liur, ne'ebé hatudu katak iha falta orientasaun no oportunidade iha nivel munisipal. Nia husu atu konsidera forma kolaborasaun ho Universidade Publika, hodi instala unidade universitária iha Munisipiu Viqueque no hari biblioteka Sentral, ne'ebé bele hariku foin-sa'e sira nia konhesimentu no fô esperansa ba desenvolvimentu humanu ne'ebé susténtavel. 3. Representante husi Grupu Intelektuais, Sr. Augusto Pinto Iha dokumentu ida ne'e, presija hadia no ajusta, liu-liu iha parte vizaun, misaun no lema, tanba parte ne'e seidak bele konvensidu. Rekomenda atu realiza tan enkontru, ne'ebe envolve parte relevante hotu, hodi garante validasaun kolektiva. Observa mos katak, proposta ne'e seidak iha kondisaun atu tama ba votasaun, tanba presija atu hadia buat balu molok halo votasaun, hodi evita aprovasaun ba kontéudu ne'ebé seidak kompletu. Molok avansa ba implementasaun desentralizasaun no poder lokal, propoin atu konstrui merkadu permanente ida iha Viqueque, hodi fasilita asesu komidade ba merkadu no estimula dinamika ekonomia lokal. Em relasaun ho pilar hat ba PDM periodu tinan 5 mai, importante atu koalia mos kona ba desenvolvimentu institusional, ne'ebé foka ba prinsipiu transparénsia, akontabilidade, inkluzau no prosperidade, hodi sustenta governansa lokal ne'ebé efisiente no responsivu.	
--	--	--	--	--	--

				4. Xefi Suku Babulo, Sr. Mario Trindade husu atu tau importansia ba definisaun vizaun no misaun Munisipiu Viqueque nian, tanba parte ne'e bele valoriza buat balu ne'ebé relevante ba identidade lokal no orienta diresaun estratejika ba tinan lima oin mai. Iha kontestu ne'e, rekomenda kria meius ida ne'ebé fó espasu ba analiza no diskute asunto juventude, tanba grupo ne'e iha impaktu direto ba dezvoltamentu munisipál no presiza konsiderasaun espesiál iha planeamentu. 5. Xefi Suku Macadique, Sr. Afonso dos Reis Husu atu preciza reve didiak parte vizaun. Enkuantu Iha misaun Munisipiu Viqueque nian, observa katak presiza fó enfaze ba sensibilizasaun no mobilizasaun comunidade, tanba iha baze comunidade mak servisu makas no fó apoiu ba implementasaun politika públika. 6. Xefi Suku Loihunu, Sr. Filomeno Guterres Fó apresiasaun tamba dokumentu ida ne'e hamosu ona hanesan referénsia ba diresaun estratéjika Munisipiu Viqueque ba tinan lima oin mai. Dokumentu ne'e bele fó kontribuisaun importante, nune'e husu atu inklui mos iha kontéudu ne'ebé sita klaru kona ba abordagem atu rezolve problema sosial sira ne'ebé afeta comunidade iha nivel munisipiu to'o suku. Iha kontestu ne'e, husu mós atu ekipa distribui dokumentu ne'e antes halo prosesu apresiasaun, hodi bele kompriende ho di'ak no fó kontribuisaun relevante tamba dokumentu ida ne'e	
--	--	--	--	---	--

			importante tebes ba orientasaun no planeamentu Munisipiu Viqueque nian. 7. Xefi Suku Uabubo, Sr. Joanico Maria Alves Husu atu hadia redasaun balu iha dokumentu PDM hanesan vizaun, misaun no lema. 8. Representante partido Fretilin, Sr. Daniel Soares Pinto Plano Dezenvolvimentu Munisipal (PDM) ba tinan lima oin mai tenki tau importansia espesiál ba asuntu juventude. No sujere mos katak kontéudu apresentasaun kabe ba ekipa tekniku elaborador Munisipál, enkuantu Papel Asesor PAM fo deit assistensia téknika. 10. Xefi Suku Bahatata, Sr. Patricio Maria Pinto Husu ba membru CCM atu hare uluk ba kontéudu urbanista Munisipiu Viqueque nian, tamba parte ne'e sei sai hanesan referénsia estratéjika ba dezenvolvimentu munisipál. Husu mós ba Prezidente da Meja atu konsidera no aprova uluk Kapitulo I molok continua ba kapitulu seluk, hodi garante katak fundasaun dokumentu ne'e klaru no konsistente ho realidade Viqueque nian. 11. Xefi Suku Builo, Sr. Helio X de Ferreira Rekomenda atu sumariza tiha misaun Munisipiu Viqueque nian iha dokumentu PDM ne'e, hodi sai hanesan matadalan ba dezenvolvimentu munisipál iha tinan lima oin mai. Nune'e mós, sujere ba ekipa elaborador atu distribui dokumentu	
--	--	--	---	--

			ida ne'e antes halo prosesu apresiasaun, hodi bele kompriende ho di'ak no fô kontribuisaun relevante, tamba dokumentu ne'e importante tebes ba orientasaun estratéjika Munisipiu Viqueque nian. 12. Xefi Suku Dilor, Sr. Jacinto Ximenes Fô observaun katak, liu husi dokumentu ida ne'e, ita komesa hakat ona ho ita-nia ain rasik, no apresia tebes esforsu no dedikasaun husi ekipa elaborador. Dokumentu ne'e fô sinal katak prosesu planeamentu bele envolve direktamente husi lideransa lokal ho responsabilidade direita ba dezvoltamentu Munisipiu Viqueque nian. 13. Representa husi Juventude, Sr. Januario B. De Araujo Rekomenda atu organiza Festival Kultural ho tema Viqueque bolu fila no Propoin tau loron 12 de Novembro hanesan akampamentu ba juventude Munisipiu Viqueque nian, hodi fô valor ba data histórica ne'ebé importante tebes iha istória Timor nian. Sujere mós atu realiza atividade sensibilizasaun kona ba moras hadaet hanesan HIV- SIDA, tamba moras ne'e espalla makaas iha teritoriu nasional inklui Munisipiu Viqueque no presiza resposta preventiva ne'ebé fô informaun adekua ba juventude.	
		Resposta husi Presidente CCM	Prezidenti Konsellu Konsultivo, Sr. Francisco Cruz Simões da Gonzaga Soares, Hatan ba sra. Anastacia, responde katak, agora dadaun sei iha faze dokumentu preliminaríu, tamba ne'e	

			bolu ita hotu mai tau ideias hamutuk hodi kontribui ba kontéudu final ne'ebé fó representasaun klaru ba realidade Munisipiu Viqueque nian. Ita mos iha ona esbosu inicial ne'ebé lori mai atu hadia hamutuk, hodi ajusta parte ne'ebé presiza klarifikasaun no harmonizasaun. Munisipiu Viqueque iha área potensial ne'ebé barak tebes, liu-liu iha setor turismo no agrikultura, tamba ne'e ita sei tau prioridade makas ba asuntu sira ne'e iha dokumentu PDM nian, hodi garante katak dezentvolvimentu ba tinan lima oin mai fó impaktu real ba comunidade.	
		Resposta husi Dir Planeamento	Diretur Ajensia Planeamentu hanesan vise-koordinador ba ekipa elaborador PDM, Sr. Carlos de Araujo Zeronimo, Responde mos ba kestaun sira relaciona ho setor edukasaun, turizmu no agrikultura, katak ekipa nafatin konsidera, inklui no sita ona iha pilares relevantes iha proposta preliminarriu ne'ebe distribui ona ba membru CCM.	
		Resposta husi Aessor Gabinete PAM	Ekipa rekonhese limitasaun ne'ebé iha durante prosesu preparasaun, liu-liu kona ba tempu no mákina impressora hodi imprimi dokumentus, ne'ebé halo ekipa la konsege distribui dokumentu proposta preliminarriu molok realiza enkontru. Maibe distribui uluk deit versaun elektróniku. No entanto, enkontru ida ne'e konsidera hanesan faze konsultasaun no husu apresiasaun ba membru Conselho Consultivu Municipal (CCM), ho objetivu atu rekolla pareser, observaun kritika no kontribuisaun konstrutiva, hodi bele hadia, aumenta no harmoniza diak liu tan kontéudu Plano Dezentvolvimentu Munisipal ba periodu 2026–2030.	

		Resposta husi Presidente CCM		Prezidenti Konsellu Konsultivo, Sr. Francisco Cruz Simões da Gonzaga Soares , responde katak, Relasiona ho preokupasaun konaba jovens sira nebé ba rai liur no muda ba Dili, Autoridade Munisipal simu ona proposta husi Universidade balun ne'ebe hakarak atu estabesele sira nia polu paralelu iha Viqueque. Medida ida ne'e bele responde ba situasaun ne'ebe ita hasoru dadaun liu-liu ba graduadu eskola sekundariu sira ne'ebe muda ba Dili. Relativamente ho rekomendasaun husi Sr. Augustu Pinto, bele apresenta proposta konkreta ba ekipa téknika nune'e bele toma nota no tau ba konsiderasaun.	
	Asuntu	Diskusaun - Sesaun Daruak Fo parser ba Proposta Planu hosi kada serbisu programatiku	Interveniente	Xefi Suku Macadique de baixo, Sr. Rogeiro da Silva Sujere ba hotu-hotu hodi tau atensaun no presiza kontribuisaun parte hotu nian ba implementasaun Dezenvolvimentu Pilares 4 nune'e bele implementa ho diak no kontribui ba moris diak Populasaun sira nian. Xefi Suku Liaruca, Sr. Filomeno Soares Husu atu membru CCM hotu fo apoiu ba ekipa téknika ne'ebe prepara ona proposta preliminarriu PDM Viqueque, em vez de halo kritika mak barak. No husu hotu-hotu atu fo apresisaun ba proposta prelimiariu nune'e bele kontinua ba prosesu tuir mai.	

		Resposta husi Presidente CCM	Prezidenti Konsellu Konsultivu Munisipal, Sr. Francisco Cruz Simões da Gonzaga Soares Responde katak, Viqueque atu atinji ba moris diak no dezentvolvimentu bele lao diak liu, preciza servisu hamutuk no kolabora malu ba Viqueque nia diak. Nune'e, ideias, rekomendasaun no sujestaun sira hotu, ekipa sei tau konsiderasaun no sei konsolida hamutuk hodi bele hadia Vizaun, Misaun no Lema Munisipiu Viqueque nian.	
		Resposta husi Dir Planeamento	Diretur Ajensia Planeamentu hanesan mos Vise-Kordenador ba Ekipa Elaborador PDM, Sr. Carlos de Araujo Zeronimo Responde katak, ekipa téknika sei konsidera no akumula hanoin no rekomendasaun hotu husi membru CCM sira, nune'e dokumentu final PDM sai dokumentu representativu Munisipiu Viqueque nian.	
		Intervensaun no sumariu presidente CCM	Prezidenti Konsellu Konsultivu Munisipal, Sr. Francisco Cruz Simões da Gonzaga Soares Halo intervensaun katak, bazeia ba sujestaun, rekomendasaun no pareser sira ne'ebe membru CCM apresenta, husu atu ekipa téknika konsidera no prepara proposta PDM ne'ebe konkretu no refléta ba prioridade Munisipiu Viqueque nian. Maske Ita la konsege diskuti kontédu hotu-hotu ho detalhes iha dokumentu proposta preliminarriu ne'e, ba oin Ita sei konvoka enkontru Extra ordinaria dala ida tan hodi konvida fali membru CCM sira hodi fo biban ba análise mais profundu ba dokumentu. Planu ne'e, hanesan mos matadalan ida ba Ita hodi halo preparasaun ba desentralizasaun poder lokál. Nune'e husu hotu-hotu atu nafatin servisu	

				hamutuk ba dezenvolvimentu munisipiu no moris diak populasau nian.
	Proposta	Votasaun no apresiasaun	Rezultadu	A favor (48) Kontra (1) Abstensaun (0)
		Intervensaun no sumariu presidente CCM		Prezidenti Konsellu Konsultivu Munisipla, Sr. Francisco Cruz Simões da Gonzaga Soares Hateten katak, iha âmbito preparasaun ba prosesu desentralizasaun poder lokal, importante tebes atu estabelese kondisaun fundamentál sira ne'ebé sustenta transisaun ida ne'e, ho Plano Dezenvolvimentu Munisipal (PDM) hanesan instrumentu jestaun prinsipal atu orienta diresaun dezenvolvimentu Munisipiu nian. Iha enkontru ida ne'e, ita hotu mai hamutuk ho objetivu atu refleta kolektivamente, identifika solusaun no harmoniza perspetiva sira, hodi kontribui ba dezenvolvimentu Munisipiu Viqueque nian. Atu hametin prosesu ida ne'e, presiza lina koordenasaun ne'ebé diak, precisa kopersaun no servisu hamutuk entre autoridade munisipál, estrutura lokal no comunidade em jeral, hodi garante katak desizaun sira ne'ebé fó sei alinha ho interese no prioridade populasau nian no promove, ho forma konkreta, ba bem estar ema hotu nian. Desentralizasaun hanesan oportunidade atu hametin governasaun lokal, aproxima servisu públiku ba sidadaun sira, no konstrui, ho baze iha partisipasaun ativa, ba futuro povu Viqueque nian ne'ebe dignu.

	Proposta	Votasaun no apresiasaun	Rezultadu	
		Ba dokumentu draf esbosu PDM		A favor (48) kontra (1) Abstensaun (0)
		Deklarasaun votus		Husi : Xefi suku Afaoicai, Sr. Cesario Nascimento Pires, afirma katak vota kontra tamba tempu ba diskusaun limitadu liu. Xefi Suku Dilor, Sr. Jacinto Ximenes, justifika Vota afavor tamba durante tinan rua nolu resin ona foin mak asesu no envolve direta iha prosesu sira ba elaborasaun PDM. Reprezentante husi Setór privadu, Sra. Anastacia da Costa Amaral, Manifesta nia apoiu ba dokumentu ne'ebé apresenta, hodi deklara nia votu a-favór. Nia justifika nia pozisaun bazeia ba espetativa katak, ho tempu, konteúdu esbosu nian sei hadi'a hosi ekipa téknika elaborador.

PARESER/REKOMENDASAUN KONSELLU KONSULTIVU MUNISIPAL
- <i>Rekomenda ba ekipa elaborador ba Planu Dezenvolvimentu Minisipál (PDM) Viqueque 2026-2030 atu kontinua halo elaborasaun, harmonizasaun no konsolidasaun ba Vizaun, Misaun no Lema Munisipiu nian inklui informasaun no dadus sira ne’ebe apresenta iha proposta preliminaríu PDM tuir potencialidade no prioridade Munisipiu Viqueque nian.</i>

Membru Prezente		Membru Aujente	
Naran	Kualidade	Naran	Kualidade
Francisco Cruz Simões da Gonzaga Soares	Prezidente Konsellu Konsultivu Munisipal	Marito Soares Nunes	PARTIDU KHUNTO
Jose da Costa de Sousa	Sec. Mun. Adm. No Finanzas	Angelo N. dos Santos D.L. Pinto	Chefe do Suco Bahalarauain
Acacio Sarmiento	Sec. Mun. PIDI	Joao Pinto	Chefe do Suco Caraubalo
Acacio de Sousa	Sec. Mun. Asuntu Sosial no Organizasaun	Claudino Amaral	Chefe do Suco Uma Quic
Filomeno Guterres	Chefe do Suco Loihuno	Goularte Melo Guterres	Chefe do Suco Uaibobo
Jacinto Ximenes	Chefe do Suco Dilor	Angelo Miguel da Silva Soares	Chefe do Suco Uma Uain Craic
Filomeno Soares	Chefe do Suco Liaruca	Martinho Soares Gusmao	Chefe do Suco Uma Uain Leten
Eduardo Soares	Chefe do Suco Uma Tolu	Adriano da Camara (LINTIL)	VETARANOS
Jose Martins Sequera Lopes	Chefe do Suco Nahareca	Clotilde Guterres	GRUPO INTELEKTUAIS
Eduardo da Rosa Freitas	Chefe do Suco Ossorua	Tomas de Aquino Lopes da Cruz	Padre Paroco
Celestino Monteiro de Carvalho	Chefe do Suco Ossu De Cima		
Helio X. de Ferreira	Chefe do Suco Builo		
Patricio Maria Pinto	Chefe do Suco Bahatata		
Jose Baptista do Carmo	Chefe do Suco Irabin De Baixo		
Lino Martins	Chefe do Suco Irabin De Cima		
Celestino de Fatima Monteiro	Chefe do Suco Loi-Ulo		
Rogeyro da Silva	Chefe do Suco Macadique de Baixo		
Cesario Nascimento Pires	Chefe do Suco Afaloicai		
Jose Pinto Soares	Chefe do Suco Macadique Uaitame		
Antonio Amaral	Chefe do Suco Matahoi		
Marcelino Pinto Alves	Chefe do Suco Uaitame		
Paul Fernandes	Chefe do Suco Vessoru		
Jeronimo Soares Alves	Chefe do Suco Fatudere		
Moises Acacio da Costa Pinto	Chefe do Suco Bibileo		
Daniel Sarmiento	VETERANOS		

Observasaun (rejistu insidente)

- Maske oráriu la'o la tuir konvokatóriu, maibé sesaun diskusaun la'o ho di'ak tebes.
- Membru hotu-hotu kumpri ba rejimentu ne'ebé iha hodi partisipa ativa iha diskusaun sira.
- La dun iha preparasaun diak husi parte ekipa teknika ba realizasaun enkontru CCM.

Dokumentu sira ne'ebé anexa ba Acta sorumutu, tuir dispostu art. 43, nú. 3 hosi Regulamentu Konsellu Kosllutivu Munisipal

a	Kópia konvokatória sorumutu			Laiha tan asuntu seluk atu trata no diskute. Sorumutu ne'e remata ona. Nune'e ha'u sei asina ata ida ne'e, ne'ebé elabora.	
b	Termu entrega konvokatoriu				
c	Dokumentu suporta diskusaun tuir ajenda				
d	Proposta, rekomendasaun no karta seluk ne'ebé membru Konsellu sira apresenta				
e	Dokumentu seluk ne'ebé apresenta durante sorumutu				
Nú. Dokumentu ne'ebé aneksa ba Acta ne'e		...	Nú. Pájina kumulativu Ata no dokumentu sira ne'ebé aneksa	...	<u>Jose da Costa de Sousa</u> Sekretariu Munisipál Administrasaun no Finansas

Acta ne'e lee sai ona ba membru Konsellu Konsultivu Munisipal Viqueque no **aprova** ho rezultadu votu a favor **48**, votu kontra **1**, no abstensaun **0**.

(**Francisco Cruz Simões de Gonzaga Soares**)
Prezidente Konsellu Konsultivu Munisipál